



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-00-130/25-I
Brčko, 31.01.2025. godine

Z A P I S N I K
sa 265. sjednice Pravosudne komisije Brčko distrikta BiH
održane 31.01.2025. godine, u 08,30 sati sa slijedećim

Dnevni redom

1. Usvajanje zapisnika sa 264. redovne i 121. vanredne sjednice Pravosudne komisije Brčko distrikta BiH
2. Prijedlog Zakona o registru lica pravosnažno osuđenih za krivična djela spolnog zlostavljanja i iskorištavanja djeteta;
(izvjestilac: Srđan Nedić)
3. Prijedlog Zakona o izmjenama i dopunama Zakona o Sudskoj policiji Brčko distrikta BiH
(izvjestilac: Safet Pizović)
4. Razmatranje radnopravnog statusa Nermina Dedića, stručnog saradnika u Tužilaštvu Brčko distrikta BiH
(izvjestilac: Rade Mitrović)
5. Žalba Muzafer Slomić izjavljene protiv odluke o izboru najuspješnijeg kandidata broj: SuPK-M-01-210/24 od 20.12.2024. godine
(izvjestilac: Rade Mitrović)
6. Prijedlog Muzafer Slomić iz Brčkog za obnovu konkursnog postupka za izbor stručnog saradnika u Tužilaštvu Brčko distrikta BiH broj SuPK-01-638/20
(izvjestilac: Rade Mitrović)
7. Zahtjev Muzafer Slomić za oglašavanje Zaključka Pravosudne komisije Brčko distrikta BiH broj SuPK-00-952/24-V od 16.12.2024. godine ništavim
(izvjestilac: Rade Mitrović)
8. Analiza Odluke Pravosudne komisije Brčko distrikta BiH broj SuPK-03-948/20 od 27.07.2020. godine o načinu korištenja službenog parkinga
(izvjestilac: Rade Mitrović)
9. Molba za produženje roka za izradu Prijedloga Zakona o vještacima u Brčko distriktu Bosne i Hercegovine
(izvjestilac: Rade Mitrović)
10. Izmjena liste ocjenjivača u postupku ocjenjivanja rada direktora Kancelarije za pravnu pomoć za 2024. godinu
(izvjestilac: Rade Mitrović)
11. Donošenje rješenja o brisanju Ruzmira Kabadajića, stečajnog upravnika, sa Liste stečajnih upravnika
(izvjestilac: Rade Mitrović)
12. Donošenje rješenja o upisu Gorana Matovića na Listu stečajnih upravnika;
(izvjestilac: Rade Mitrović)
13. Utvrđivanje izmjene Liste stečajnih upravnika
(izvjestilac: Rade Mitrović)

14. Verifikacija Akta Pravosudne komisije broj SuPK-00-2408/24-I od 31.12.2024. godine kojim se imenuju član i zamjenski član ispred Pravosudne komisije Brčko distrikta BiH u Pododbor za promet, energiju, okoliš i regionalni razvoj
(izvjestilac: Rade Mitrović)
15. Donošenje odluke o raspisivanju Javnog konkursa za popunjavanje upražnjenih radnih mjesta u pravosuđu Brčko distrikta BiH
(izvjestilac: Rade Mitrović)
16. Donošenje odluke o imenovanju Komisija za zapošljavanje po raspisanom Javnom konkursu broj: SuPK-01-2238/24-I od 16.12.2024. godine
(izvjestilac: Rade Mitrović)
17. Donošenje odluke o imenovanju Komisija za zapošljavanje po raspisanom Javnom konkursu broj: SuPK-01-2405/24-I od 30.12.2024. godine
(izvjestilac: Rade Mitrović)
18. Donošenje odluke o izmjeni Odluke o imenovanju komisija za zapošljavanje po Javnom konkursu broj: SuPK-01-1994/24-I od 28.10.2024. godine
(izvjestilac: Rade Mitrović)
19. Donošenje odluke o imenovanju stručnog saradnika u Pravosudnoj komisiji Brčko distrikta BiH, na određeno vrijeme
(izvjestilac: Rade Mitrović)
20. Donošenje odluke o imenovanju sekeretarice direktora – asistenta u Kancelariji za pravnu pomoć Brčko distrikta BiH, na neodređeno vrijeme
(izvjestilac: Rade Mitrović)
21. Zaključivanje ugovora sa Đokicom Tomić o obavljanju pripravničkog staža u Kancelariji za pravnu pomoć Brčko distrikta BiH
(izvjestilac: Rade Mitrović)
22. Donošenje rješenja o prestanku radnog odnosa Zekeriji Mujkanoviću, glavnom tužiocu Tužilaštva Brčko distrikta BiH
(izvjestilac: Rade Mitrović)
23. Donošenje rješenja o prestanku radnog odnosa Milani Purić, referentu - operateru - asistentu u Osnovnom sudu Brčko distrikta BiH
(izvjestilac: Rade Mitrović)
24. Donošenje rješenja o prestanku radnog odnosa Jasni Stefanović, pripravniku u Tužilaštvu Brčko distrikta BiH
(izvjestilac: Rade Mitrović)
25. Verifikacija odluke o plati za Radmila Ivanovića, v.d. glavnog tužioca Tužilaštva Brčko distrikta BiH;
(izvjestilac: Rade Mitrović)
26. Verifikacija odluke o plati za Aminu Dedić, tužioca Tužilaštva Brčko distrikta BiH;
(izvjestilac: Rade Mitrović)
27. Verifikacija odluke o plati za Maidu Bajrić, zamjenika pravobranioca Pravobranilaštva Brčko distrikta BiH
(izvjestilac: Rade Mitrović)
28. Donošenje odluke o izmjeni Odluke o imenovanju disciplinske komisije za sprovođenje disciplinskih postupaka protiv službenika i namještenika u pravosuđu Brčko distrikta BiH
(izvjestilac: Rade Mitrović)
29. Molba za pomilovanje osuđenog Dalibora Vilareta
(izvjestilac: Rade Mitrović)
30. Molba za pomilovanje osuđenog Milorada Karaća
(izvjestilac: Rade Mitrović)
31. Donošenje rješenja o imenovanju povjerenika Ljiljane Mihajlović koja će nadzirati rad za opšte dobro na slobodi osuđenog Salihović Mehmeda i rješenja o raspoređivanju

osuđenog Salihović Mehmeda na radno mjesto „praoničar-vulkanizer“ u JP „Komunalno Brčko“ d.o.o. Brčko distrikt BiH

(izvjestilac: Rade Mitrović)

32. Razno

PRISUTNI SU:

1. SAFET PIZOVIĆ, predsjednik Komisije,
2. MIRSAD ĆEMAN, sudija Ustavnog suda BiH, putem telefona
3. DAMJAN KAURINOVIĆ, predsjednik Apelacionog suda Brčko distrikta BiH,
4. DRAGAN TOMAŠ, predsjednik Osnovnog suda Brčko distrikta BiH,
5. RADMILO IVANOVIĆ, v.d. glavnog tužioca Tužilaštva Brčko distrikta BiH,
6. DEJAN ĐUROVIĆ, pravobranilac Pravobranilaštva Brčko distrikta BiH,
7. MEHMED BEĆIĆ, član Komisije iz reda građana,
8. MILIVOJ VASIĆ član Komisije iz reda građana,
9. IVAN LOVRIĆ, član Komisije iz reda građana.

Sjednica je počela u 08,30 sati.

Konstatuje se da sjednici lično prisustvuje osam članova Komisije, te da je Mirsad Ćeman, sudija Ustavnog suda, prisutan putem audio linka. Sjednici prisustvuje i sekretar Komisije, Rade Mitrović.

Konstatuje se da je minutom šutnje odana počast preminulom članu Pravosudne komisije Brčko distrikta BiH, Zekeriji Mujkanoviću.

Predsjednik Komisije otvara 265. redovnu sjednicu Pravosudne komisije s predloženim dnevnim redom, i predlaže da se dnevni red dopuni na način da se iza predložene tačke 14. dodaju dvije nove tačke 15. i 16. koje glase: 15. „Donošenje odluke o djelomičnom poništenju javnog konkursa za popunjavanje upražnjenih radnih mjesta u pravosuđu Brčko distrikta BiH broj: SuPK-01-1994/24-I od 28.10.2024. godine“ i 16. „Donošenje odluke o broju volontera u pravosudnim institucijama Brčko distrikta za 2025. godinu“, iza dosadašnje tačke 22. da se dodaju nove tačke 23, 24. i 25. koje glase: 23. „Donošenje odluke o prestanku radnog odnosa Mihajlu Joviću, sudskom policajcu u Sudskoj policiji Brčko distrikta BiH“, 24. „Verifikacija odluke o prestanku radnog odnosa Ivani Blekić, stručnom saradniku u Tužilaštvu Brčko distrikta BiH“ i 25. „Imenovanje člana Upravnog odbora projekta Vijeća Evrope „Jačanje pristupa pravdi i učinkovitim pravnim lijekovima za žrtve trgovine ljudima u Bosni i Hercegovini“ i iza dosadašnje tačke 28. da se doda nova tačka 29. koja glasi: 29. „Verifikacija Izvještaja o izvršenom popisu stalnih sredstava, sitnog inventara, novčanih sredstava, potraživanja i obaveza u institucijama Pravosuđa Brčko distrikta BiH na dan 31.12.2024. godine“.

Slijedom predloženih dopuna, numeracija tačaka se pomjera, tako da tačka Razno postaje tačka broj 38.

Konstatuje se da je predloženi i dopunjeni dnevni red usvojen jednoglasno.

1. Usvajanje zapisnika sa 264. i 121. vanredne sjednice Pravosudne komisije Brčko distrikta BiH

Konstatuje se da su zapisnici sa 264. redovne i 121. vanredne sjednice Komisije usvojeni jednoglasno i bez primjedbi.

2. Prijedlog Zakona o registru lica pravosnažno osuđenih za krivična djela spolnog zlostavljanja i iskorištavanja djeteta

Sjednici je u 08,38 sati, pristupio Srđan Nedić, sudija Apelacionog suda Brčko distrikta BiH, kao izvjestilac po ovoj tački.

U uvodnom izlaganju, sudija Nedić, koji je ujedno i predsjednik radne grupe koja je sačinila prijedloga Zakona o registru lica pravosnažno osuđenih za krivična djela spolnog zlostavljanja i iskorištavanja djeteta, ukratko je obrazložio prijedlog pomenutog zakona. Nakon uvodnog izlaganja, otvorena je diskusija po pitanju ove tačke dnevnog reda, a nakon okonačne diskusije, donesen je zaključak da prijedlog pomenutog zakona ide u dva čitanja na Pravosudnu komisiju Brčko distrikta BiH kako bi se razjasnile nedoumice koje egzistiraju nakon prvog čitanja, te da bi se preciziralo sljedeće:

1. Da se u dijelu obrazloženja detaljnije obrazloži dio koji se odnosi na retroaktivno dejstvo zakona u smislu uslova pod kojim je moguće da određene odredbe zakona imaju retroaktivno dejstvo (da se ne ukida ili ne umanjuje nijedno već stečeno privatno pravo fizičkog ili pravnog lica (ili lica koje nastupa u privatnom svojstvu), da je vremenski period u prošlosti na koji se zakon primjenjuje razuman; i da se naglasi Skupštini Brčko distrikta BiH o obavezi donošenja zaključka kojim se utvrđuje postojanje javnog interesa za retroaktivnu primjenu), sve u smislu odredbe člana 39. Statuta Brčko distrikta BiH.

2. Nakon prvog čitanja ostalo je i dalje nejasno koja lica se upisuju u Registar u pogledu odredbe člana 3. stav 2) tačka b), odnosno da li se to odnosi na sva osuđena lica koja se vode u kaznenoj evidenciji policije i koja su pravosnažno osuđena za krivična djela protiv spolnog integriteta izvršena na štetu djece i maloljetnika prema zakonima koji su prestali da važe (npr. lice koje je osuđeno prema Krivičnom zakonu i koji je prestao da važi prije više od 20 godina). S tim u vezi, na sjednici je ukazivano da je to propisano odredbom člana 14. stav 3) prijedloga zakona, odnosno da obaveza prestaje nakon 20 godina. Međutim, ono što je iz naknadne diskusije proizašlo je mišljenje da se tim rokom propisuje samo trajanje obaveza onih lica koji su u Registru, odnosno da obaveze iz članova II. 12. i 13. ovog zakona prestaju nakon proteka 20 godina od dana izdržane kazne, ukoliko lice u tom periodu ne izvrši neko od krivičnih djela iz člana 3. ovog zakona, a ne i to ko sve od lica ulazi u registar u smislu odredbe člana 3. stav 2) tačka b).

Sjednicu je u 08,50 sati, napustio Srđan Nedić, sudija Apelacionog suda Brčko distrikta BiH.

3. Prijedlog Zakona o izmjenama i dopunama Zakona o Sudskoj policiji Brčko distrikta BiH

U uvodnom izlaganju predsjednik Komisije obrazložio je razloge za donošenja prijedloga Zakona o izmjenama i dopunama Zakona o Sudskoj policiji Brčko distrikta BiH. Osnovni razlog za donošenje Zakona o izmjenama i dopunama Zakona o Sudskoj policiji Brčko distrikta BiH je nedostatak kadrova u Sudskoj policiji Brčko distrikta BiH, kao i sam problem popunjavanja tih upražnjenih radnih mjesta. Predsjednik Komisije, a ujedno i predsjednik Radne grupe koja je učestvovala u izradi prijedloga ovog zakona, u nastavku je obrazložio predložena zakonska rješenja i upoznao prisutne da u postupku konsultacija nije bilo dostavljenih komentara, prijedloga i sugestija na nacrt ovog propisa.

Nakon provedene diskusije po ovoj tački dnevnog reda, konstatuje se da je Pravosudna komisija jednoglasno usvojila Prijedlog Zakona o izmjenama i dopunama Zakona o Sudskoj policiji Brčko distrikta BiH. Prijedlog zakona dostaviti relevantnim institucijama, na mišljenja, nakon čega isti uputiti u skupštinsku proceduru.

4. Razmatranje radnopravnog statusa Nermina Dedića, stručnog saradnika u Tužilaštvu Brčko distrikta BiH

Nakon uvodnog izlaganja sekretara Komisije po ovoj tački i provedene diskusije, konstatuje se da je Komisija jednoglasno zaključila da navedenu analizu izvršenu od strane Stručne službe Pravosudne komisije Brčko distrikta BiH primi k znanju.

5. Žalba Muzaferi Slomić izjavljena protiv odluke o izboru najuspješnijeg kandidata broj: SuPK-M-01-210/24 od 20.12.2024. godine

Konstatuje se da se diskusija po ovoj tački dnevnog reda, označava tajnom.

Konstatuje se da se Dragan Tomaš, predsjednik Osnovnog suda Brčko distrikta BiH i Dejan Đurović, pravobranilac Pravobranilaštva Brčko distrikta BiH, izuzimaju iz raspravljanja i odlučivanja po ovoj tački dnevnog reda.

Nakon diskusije, Komisija je, uz izuzeće predsjednika Osnovnog suda Brčko distrikta BiH i pravobranioca Pravobranilaštva Brčko distrikta BiH, jednoglasno donijela sljedeću

Odluku

Žalba Slomić Muzaferi iz Brčkog izjavljena protiv odluke o izboru kandidata Komisije zazapostavljanje broj: SuPK-M-01-210/24 od 20.12. 2024. godine, se odbija kao neosnovana

6. Prijedlog Muzaferi Slomić iz Brčkog za obnovu konkursnog postupka za izbor stručnog saradnika u Tužilaštvu Brčko distrikta BiH broj: SuPK-01-638/20

Nakon obrazloženja, Komisija je jednoglasno donijela sljedeći

Zaključak

Prijedlog Muzaferi Slomić iz Brčkog za obnovu konkursnog postupka broj: SuPK-01-638/20 nakon čijeg sprovođenja je Amina Helać imenovana na radno mjesto stručni saradnik u Tužilaštvu Brčko distrikta BiH, se odbacuje kao nedopušten.

7. Zahtjev Muzaferi Slomić za oglašavanje Zaključka Pravosudne komisije Brčko distrikta BiH broj SuPK-00-952/24-V od 16.12.2024. godine ništavim

Nakon obrazloženja, Komisija je jednoglasno donijela sljedeći

Zaključak

Zahtjev Muzaferi Slomić za oglašavanje Zaključka Pravosudne komisije Brčko distrikta BiH broj: SuPK-00-952/24-V od 16.12.2024. godine ništavim, se odbacuje kao nedopušten.

8. Analiza Odluke Pravosudne komisije Brčko distrikta BiH broj SuPK-03-948/20 od 27.07.2020. godine o načinu korištenja službenog parkinga

Nakon uvodnog izlaganja sekretara Komisije po ovoj tački i provedene diskusije, donesen je zaključak da Stručna služba, uvažavajući interese pravosudnih institucija i iznesene prijedloge od strane rukovodilaca pravosudnih institucija, izvrši revidiranje Odluke Pravosudne komisije broj: SuPK-03-948/20 od 27.07.2020. godine o načinu korištenja službenog parkinga, koju će kao tačku dnevnog reda pripremiti za sljedeću sjednicu Komisije.

9. Molba za produženje roka za izradu Prijedloga Zakona o vještacima u Brčko distriktu Bosne i Hercegovine

Nakon obrazloženja, Komisija je jednoglasno donijela sljedeću

Odluku
o izmjeni odluke Pravosudne komisije Brčko distrikta BiH, broj: SuPK-03-2067/24-I od
29.10.2024. godine

Član 1.

U odluci Pravosudne komisije Brčko distrikta BiH, broj: SuPK-03-2067/24-I od 29.10.2024. godine u članu 4. riječi: „u roku od tri mjeseca od dana imenovanja“ zamijenjuju se riječima „u roku od pet mjeseci od dana imenovanja“.

Član 2.

Ova odluka stupa na snagu danom donošenja.

10. Izmjena liste ocjenjivača u postupku ocjenjivanja rada direktora Kancelarije za pravnu pomoć za 2024. godinu

Konstatuje se da se predsjednik Komisije izuzeo po ovoj tački.

Nakon obrazloženja, Komisija je jednoglasno utvrdila Listu ocjenjivača direktora Kancelarije za pravnu pomoć Brčko distrikta BiH za 2024. godinu, u sastavu:

1. Damjan Kaurinović,
2. Dragan Tomaš,
3. Mehmed Bečić.

11. Donošenje rješenja o brisanju Ruzmira Kabadajića, stečajnog upravnika, sa Liste stečajnih upravnika

Nakon obrazloženja, Komisija je jednoglasno donijela sljedeće

Rješenje

I

Ruzmir Kabadajić iz Tuzle, briše se sa Liste stečajnih upravnika broj SuPK/S-2/24-I od 16.12.2024. godine koju vodi Pravosudna komisija Brčko distrikta BiH

II

Ovo rješenje objavljuje se u „Službenom glasniku Brčko distrikta BiH“, internet stranicama Pravosudne komisije Brčko distrikta BiH, Osnovnog suda Brčko distrikta BiH i Apelacionog suda Brčko distrikta BiH.

12. Donošenje rješenja o upisu Gorana Matovića na Listu stečajnih upravnika

Nakon obrazloženja, Komisija je jednoglasno donijela sljedeće

Rješenje

I Goran Matović iz Bijeljine, upisuje se na Listu stečajnih upravnika koju vodi Pravosudna komisija Brčko distrikta BiH.

II Nalaže se Stručnoj službi Pravosudne komisije Brčko distrikta BiH da imenovanog uvrsti na Listu stečajnih upravnika.

13. Utvrđivanje izmjene Liste stečajnih upravnika

Nakon obrazloženja, Komisija je jednoglasno utvrdila izmjenu Liste stečajnih upravnika broj: SuPK/S-2/24-I od 16.12.2024. godine koja glasi:

R/br.	Ime i prezime	Adresa	Kontakt telefon
1.	Radenko Janjić	ul. Cetinjska br. 1, Rogatica	065/818-406
2.	Nebojša Matić	ul. Gavrića Principa 2/1, Bijeljina	065/335-530
3.	Hamdija Muratović	ul. Hazima Vikala broj 2, Gračanica	035/707-507
4.	Kenan Ibrahimović	ul. Zaima Mušanovića, br. 28, Brčko distrikt BiH	061/333-325
5.	Rade Hadži-Stević	ul. Kralja Dragutina 53 B, Bijeljina	065/910-419
6.	Adil Bašić	ul. Maršala Tita 2 B, Tuzla	061/019-646
7.	Goran Matović	Glogovac br.76 Janja, Bijeljina	0651963-156

14. Verifikacija Akta Pravosudne komisije broj SuPK-00-2408/24-I od 31.12.2024. godine kojim se imenuju član i zamjenski član ispred Pravosudne komisije Brčko distrikta BiH u Pododbor za promet, energiju, okoliš i regionalni razvoj

Predsjednik Komisije konstatuje da je Komisija jednoglasno izvršila verifikaciju akta Pravosudne komisije Brčko distrikta BiH, broj: SuPK-00-2408/24-I od 31.12.2024. godine, kojim se u Pododbor za promet, energiju, okoliš i regionalni razvoj ispred Pravosudne komisije Brčko distrikta BiH imenuju Rade Mitrović, kao član i Dejan Nišić, kao zamjenski član.

15. Donošenje odluke o djelimičnom poništenju javnog konkursa za popunjavanje upražnjenih radnih mjesta u pravosuđu Brčko distrikta BiH broj: SuPK-01-1994/24-I od 28.10.2024. godine

Nakon obrazloženja, konstatuje se da je Komisija jednoglasno donijela sljedeću

Odluku

o djelimičnom poništenju javnog konkursa broj: SuPK-01-1994/24-I od 28.10.2024. godine

Član 1.

Djelimično se poništava javni konkurs za popunjavanje upražnjenih radnih mjesta u pravosuđu Brčko distrikta BiH broj: SuPK-01-1994/24-I od 28.10.2024. godine, raspisan od strane Pravosudne komisije Brčko distrikta BiH, u dijelu koji se odnosi na poziciju:

1. Predsjednik Vijeća za izlaganje podataka o nekretninama i utvrđivanju prava na zemljištu u Odjeljenju za javni registar Vlade Brčko distrikta BiH (na neodređeno vrijeme).....1 (jedan) izvršilac

Član 2.

Javni konkurs za poziciju iz člana 1. ove Odluke, djelimično se poništava iz razloga što niko od kandidata ne ispunjava uslove propisane internim oglasom, odnosno javnim konkursom propisano članom 35. stav (1) tačka b) Zakona o službenicima i namještenicima u pravosuđu Brčko distrikta BiH.

Član 3.

Ova Odluka stupa na snagu danom donošenja i bit će objavljena na internet stranici Pravosudne komisije i oglasnim tablama pravosudnih institucija Brčko distrikta BiH.

16. Donošenje odluke o broju volontera u pravosudnim institucijama Brčko distrikta za 2025. godinu

Nakon obrazloženja, konstatuje se da je Komisija jednoglasno donijela sljedeću

Odluku

o broju volontera u pravosudnim institucijama Brčko distrikta BiH

Član 1.

Na prijedlog rukovodilaca pravosudnih institucija, a u skladu sa odobrenim budžetskim sredstvima, utvrđuje se da će se do kraja 2025. godine, izvršiti prijem 10 (deset) diplomiranih pravnika u svojstvu volontera u pravosudne institucije Brčko distrikta BiH, radi sticanja radnog iskustva u pravosuđu, bez zasnivanja radnog odnosa.

Član 2.

Broj volontera koji će se do kraja 2025. godine primiti u pravosudne institucije, utvrđuje se kako slijedi:

1. Apelacioni sud Brčko distrikta BiH – 2 (dva) volontera,
2. Osnovni sud Brčko distrikta BiH – 6 (šest) volontera,

3. Tužilaštvo Brčko distrikta BiH – 1 (jedan) volonter,
4. Kancelarija za pravnu pomoć Brčko distrikta BiH – 1 (jedan) volonter.

Član 3.

Primljeni volonteri će tokom obavljanja volonterskog rada imati prava u skladu sa relevantnim zakonima, podzakonskim aktima i Ugovorom o volonterskom radu koji će zaključiti sa Pravosudnom komisijom.

Član 4.

Uslovi i način prijema volontera iz člana 2. ove Odluke, utvrdit će se javnim pozivom, koji će raspisati Pravosudna komisija Brčko distrikta BiH, a koji će biti objavljen na internetskoj stranici Pravosudne komisije i oglasnim tablama pravosudnih institucija.

Član 5.

Ova Odluka stupa na snagu danom donošenja.

17. Donošenje odluke o raspisivanju Javnog konkursa za popunjavanje upražnjenih radnih mjesta u pravosuđu Brčko distrikta BiH

Nakon obrazloženja, konstatuje se da je Komisija jednoglasno donijela sljedeću

Odluku o raspisivanju javnog konkursa
za popunjavanje upražnjenih radnih mjesta
u pravosuđu Brčko Distrikta BiH

1. Advokat u Kancelariji za pravnu pomoć Brčko distrikta BiH (na neodređeno vrijeme)..... 1 (jedan) izvršilac
2. Operater-upisničar izvršenja prekršajnih sankcija u Osnovnom sudu Brčko distrikta BiH (na neodređeno vrijeme) 1 (jedan) izvršilac
3. Referent-operater-asistent u Osnovnom sudu Brčko distrikta BiH (na neodređeno vrijeme)..... 1 (jedan) izvršilac
4. Sudski policajac u Sudskoj policiji Brčko distrikta BiH (na neodređeno vrijeme)..... 2 (dva) izvršioca

Prijave na konkurs podnose se od 05.02.2025 godine do 19.02.2025. godine.

18. Donošenje odluke o imenovanju Komisija za zapošljavanje po raspisanom Javnom konkursu broj: SuPK-01-2238/24-I od 16.12.2024. godine

Nakon obrazloženja, konstatuje se da je Komisija jednoglasno donijela sljedeću

Odluku
o imenovanju komisija za zapošljavanje po javnom konkursu broj:

I Imenuje se Komisija za zapošljavanje pripravnika u Tužilaštvu Brčko distrikta BiH (na određeno vrijeme, do sticanja uslova za polaganje pravosudnog ispita, ali ne duže od dvije godine), u sastavu tri člana:

1. Radmilo Ivanović, predsjednik,
2. Pavo Radoš, član,
3. Dijana Azapagić, član.

19. Donošenje odluke o imenovanju Komisija za zapošljavanje po raspisanom Javnom konkursu broj: SuPK-01-2405/24-I od 30.12.2024. godine

Nakon obrazloženja, konstatuje se da je Komisija jednoglasno donijela sljedeću

Odluku

o imenovanju komisija za zapošljavanje po javnom konkursu broj:
SuPK-01-2405/24-I od 30.12.2024. godine

I Imenuje se Komisija za zapošljavanje stručnog saradnika u Pravobranilaštvu Brčko distrikta BiH, (na neodređeno vrijeme), u sastavu tri člana Pravosudne komisije:

1. Dejan Đurović, predsjednik,
2. Dragan Tomaš, član,
3. Safet Pizović, član.

20. Donošenje odluke o izmjeni Odluke o imenovanju komisija za zapošljavanje po Javnom konkursu broj: SuPK-01-1994/24-I od 28.10.2024. godine

Nakon obrazloženja, Komisija je jednoglasno donijela

O d l u k u

O izmjeni Odluke o imenovanju komisija za zapošljavanje po javnom konkursu broj:
SuPK-01-1994/24-I od 28.10.2024. godine

Član 1.

U Odluci o imenovanju komisija za zapošljavanje po javnom konkursu broj: SuPK-01-1994/24-I od 28.10.2024. godine, u članu I, tačka 1. se mijenja, tako što se za predsjednika Komisije, umjesto Zekerije Mujkanovića, imenuje, Radmilo Ivanović, tačka 3. se mijenja, tako što se za člana Komisije umjesto Dejana Đurovića, imenuje Safet Pizović, tako da ista sada glasi:

- „1. Radmilo Ivanović, predsjednik,
4. Safet Pizović, član.“

Član 2.

U preostalom dijelu navedena odluka ostaje neizmijenjena.

Član 3.

Ova odluka stupa na snagu danom donošenja.

21. Donošenje odluke o imenovanju stručnog saradnika u Pravosudnoj komisiji Brčko distrikta BiH, na određeno vrijeme

Nakon obrazloženja, Komisija je jednoglasno donijela

Odluku

Na radno mjesto „stručni saradnik za pravne poslove i evropske integracije“ u Pravosudnoj komisiji Brčko distrikta BiH, imenuje se Milica Jovanović, kći Dragana, iz Brčkog.

Imenovana je dužan stupiti na rad dana 04.02.2025. godine, a stupanjem na rad zasniva radni odnos na određeno vrijeme, radi zamjene privremeno odsutnog službenika, ali ne duže od dvije godine, u Pravosudnoj komisiji Brčko distrikta BiH.

Stupanjem na rad imenovana se svrstava u VIII (osmi) platni razred, 4 (četvrti) podrazred, koeficijent 3,200154, osnovna plata u iznosu od 2.455,22 KM (dvijehiljadečetiristotinepedesetpet i 22/100 konvertibilnih maraka)

22. Donošenje odluke o imenovanju sekeretarice direktora – asistenta u Kancelariji za pravnu pomoć Brčko distrikta BiH, na neodređeno vrijeme

Nakon obrazloženja, konstatuje se da je Komisija jednoglasno donijela sljedeće

Odluku

Na radno mjesto „sekretarica direktora - asistent“ u Kancelariji za pravnu pomoć Brčko distrikta BiH imenuje se Milana Purić, kći Obrena, iz Brčkog.

Imenovana je dužna stupiti na rad dana 04.02.2025. godine, a stupanjem na rad zasniva radni odnos na neodređeno vrijeme u Kancelariji za pravnu pomoć Brčko distrikta BiH.

Stupanjem na rad imenovana se svrstava u V (peti) platni razred, 5 (peti) podrazred, koeficijent 1,693570, osnovna plata u iznosu od 1.299,34 KM (hiljadudvijestotinedevadesetdevet i 34/100 konvertibilnih maraka).

23. Donošenje odluke o prestanku radnog odnosa Mihajlu Joviću, sudskom policajcu u Sudskoj policiji Brčko distrikta BiH

Nakon obrazloženja, konstatuje se da je Komisija jednoglasno donijela sljedeće

Rješenje

Mihajlu Joviću, sudskom policajcu u Sudskoj policiji Brčko distrikta BiH, prestaje radni odnos u Sudskoj policiji Brčko distrikta BiH, zaključno sa 31.01.2025. godine, radi odlaska u starosnu penziju.

24. Verifikacija odluke o prestanku radnog odnosa Ivani Blekić, stručnom saradniku u Tužilaštvu Brčko distrikta BiH

Predsjednik Komisije konstatuje da je Komisija jednoglasno izvršila verifikaciju odluke Pravosudne komisije Brčko distrikta BiH, broj: SuPK-01-114/25-I od 29.01.2025. godine, kojom je Ivani Blekić, stručnom saradniku u Tužilaštvu Brčko distrikta BiH, prestao radni odnos zasnovan na određeno vrijeme radi zamjene privremeno odsutnog službenika, zaključno sa 31.01.2025. godine, radi povratka odsutnog službenika na posao.

25. Imenovanje člana Upravnog odbora projekta Vijeća Evrope „Jačanje pristupa pravdi i učinkovitim pravnim lijekovima za žrtve trgovine ljudima u Bosni i Hercegovini

Sekretar Pravosudne komisije je izložio navedenu tačku dnevnog reda. Nakon provedene diskusije, Pravosudna komisija jednoglasno predlaže Radeta Mitrovića, sekretara Pravosudne komisije, za člana Upravnog odbora projekta Vijeća Evrope „Jačanje pristupa pravdi i učinkovitim pravnim lijekovima za žrtve trgovine ljudima u Bosni i Hercegovini.

26. Zaključivanje ugovora sa o obavljanju pripravničkog staža u Kancelariji za pravnu pomoć Brčko distrikta BiH

Nakon obrazloženja, konstatuje se da je Komisija jednoglasno donijela odluku da se zaključi

Ugovor o obavljanju pripravničkog staža
na određeno vrijeme sa punim radnim vremenom

između, poslodavca: Pravosudna komisija Brčko distrikta BiH, koju zastupa predsjednik komisije Safet Pizović, i pripravnika: Đokice Tomića, sin Ljube, iz Lopara, Brčko distrikt BiH.

Ugovor o obavljanju pripravničkog staža zaključuje se na određeno vrijeme, odnosno do sticanja uslova za polaganje pravosudnog ispita, i traje počev od 04.02.2025. godine pa do 04.12.2025. godine.

27. Donošenje rješenja o prestanku radnog odnosa Zekeriji Mujkanoviću, glavnom tužiocu Tužilaštva Brčko distrikta BiH

Nakon obrazloženja, konstatuje se da je Komisija jednoglasno donijela sljedeće

Rješenje

Zekeriji Mujkanoviću, glavnom tužiocu Tužilaštva Brčko distrikta Bosne i Hercegovine, prestaje radni odnos po sili zakona zaključno sa 06.01.2025. godine, zbog smrti.

28. Donošenje rješenja o prestanku radnog odnosa Milani Purić, referentu - operateru - asistentu u Osnovnom sudu Brčko distrikta BiH

Nakon obrazloženja, konstatuje se da je Komisija jednoglasno donijela sljedeće

Rješenje

Milani Purić, referentu-operateru-asistentu u Osnovnom sudu Brčko distrikta BiH, prestaje radni odnos zaključno sa 03.02.2025. godine, zbog imenovanja na drugu dužnost.

29. Verifikacija Izvještaja o izvršenom popisu stalnih sredstava, sitnog inventara, novčanih sredstava, potraživanja i obaveza u institucijama Pravosuđa Brčko distrikta BiH na dan 31.12.2024. godine

Predsjednik Komisije konstatuje da je Komisija jednoglasno izvršila verifikaciju Izvještaja o izvršenom popisu stalnih sredstava, sitnog inventara, novčanih sredstava, potraživanja i obaveza u institucijama pravosuđa Brčko distrikta BiH na dan 31.12.2024. godine

30. Donošenje rješenja o prestanku radnog odnosa Jasni Stefanović, pripravniku u Tužilaštvu Brčko distrikta BiH

Nakon obrazloženja, konstatuje se da je Komisija jednoglasno donijela sljedeće

Rješenje

Jasni Stefanović, pripravniku u Tužilaštvu Brčko distrikta BiH, prestaje radni odnos zasnovan na određeno vrijeme radi obavljanja pripravnčkog staža, zbog isteka roka za obavljanje pripravnčkog staža.

Radni odnos prestaje zaključno sa danom 06.02.2025. godine.

31. Verifikacija odluke o plati za Radmila Ivanovića, v.d. glavnog tužioca Tužilaštva Brčko distrikta BiH

Predsjednik Komisije konstatuje da je Komisija jednoglasno izvršila verifikaciju odluke Pravosudne komisije Brčko distrikta BiH, broj: SuPK-01-86/25-I od 23.01.2025. godine, kojom je Radmilu Ivanoviću, vršiocu dužnosti glavnog tužioca Tužilaštva Brčko distrikta Bosne i Hercegovine, utvrđena osnovna mjesečna plata.

32. Verifikacija odluke o plati za Aminu Dedić, tužioca Tužilaštva Brčko distrikta BiH

Predsjednik Komisije konstatuje da je Komisija jednoglasno izvršila verifikaciju odluke Pravosudne komisije Brčko distrikta BiH, broj: SuPK-01-68/25-I od 20.01.2025. godine, kojom je Amini Dedić, tužiocu Tužilaštva Brčko distrikta Bosne i Hercegovine, utvrđena osnovna mjesečna plata.

33. Verifikacija odluke o plati za Maidu Bajrić, zamjenika pravobranioca Pravobranilaštva Brčko distrikta BiH

Predsjednik Komisije konstatuje da je Komisija jednoglasno izvršila verifikaciju odluke Pravosudne komisije Brčko distrikta BiH, broj: SuPK-01-69/25-I od 20.01.2025. godine, kojom je Maidi Bajrić, zamjeniku pravobranioca Pravobranilaštva Brčko distrikta Bosne i Hercegovine, utvrđena osnovna mjesečna plata.

34. Donošenje odluke o izmjeni Odluke o imenovanju disciplinske komisije za sprovođenje disciplinskih postupaka protiv službenika i namještenika u pravosuđu Brčko distrikta BiH

Nakon uvodnog izlaganja i provedene diskusije, Pravosudna komisija Brčko distrikta jednoglasno donosi

O d l u k u

o izmjeni Odluke o imenovanju disciplinske komisije za sprovođenje disciplinskih postupaka protiv službenika i namještenika u pravosuđu Brčko distrikta BiH broj SuPK-01-1927/24-I od 20.09.2024. godine

Član 1.

U Odluci o imenovanju disciplinske komisije za sprovođenje disciplinskih postupaka protiv službenika i namještenika u pravosuđu Brčko distrikta BiH broj SuPK-01-1927/24-I od 20.09.2024. godine u članu I tačka 1. mijenja se i glasi:

1. Jasmin Suljić sekretar Tužilaštva Brčko distrikta BiH;

Član 2.

Ova odluka stupa na snagu danom donošenja.

35. Molba za pomilovanje osuđenog Dalibora Vilareta

Nakon obrazloženja i provedne diskusije, Komisija jednoglasno daje prijedlog gradonačelniku Brčko distrikta BiH da se osuđeni Dalibor Vilareta, ne pomiluje.

36. Molba za pomilovanje osuđenog Milorada Karaća

Nakon obrazloženja i provedne diskusije, Komisija jednoglasno daje prijedlog gradonačelniku Brčko distrikta BiH da se osuđeni Milorad Karać, pomiluje smanjenjem kazne u trajanju od 2 (dva) mjeseca.

37. Donošenje rješenja o imenovanju povjerenika Ljiljane Mihajlović koja će nadzirati rad za opšte dobro na slobodi osuđenog Salihović Mehmeda i rješenja o raspoređivanju osuđenog Salihović Mehmeda na radno mjesto „praoničar-vulkanizer“ u JP „Komunalno Brčko“ d.o.o. Brčko distrikt BiH

Nakon obrazloženja, Komisija jednoglasno donosi sljedeće

Rješenje

Ljiljana Mihajlović imenuje se za povjerenika osuđenom Mehmedu Salihoviću i nadzirat će rad za opšte dobro na slobodi imenovanog u Javnom preduzeću „Komunalno Brčko“ d.o.o. Brčko distrikt BiH.

Nakon toga Komisija donosi sljedeće

Rješenje

Raspoređuje se osuđeno lice Mehmed Salihović na radno mjesto „praoničar/vulkanizer“ u Javnom preduzeću „Komunalno Brčko“ d.o.o. Brčko distrikt BiH. Osuđeno lice će rad za opšte dobro na slobodi obavljati u trajanju od 15 (petnaest) radnih dana.

38. Razno

U okviru ove tačke dnevnog reda, sekretar Komisije upoznao je prisutne o dopisu koji je Stručnoj službi prosljeđen od strane pravobranioca Pravobranilaštva Brčko distrikta BiH, naslovljen na pravobranioca Brčko distrikta BiH i predsjednika Apelacionog suda Brčko distrikta BiH, kojim se ukazuje na nepravilnosti u provođenju procedure zapošljavanja za poziciju šef administracije u Kancelariji za pravnu pomoć Brčko distrikta BiH. Vršilac dužnosti glavnog tužioca Tužilaštva Brčko distrikta BiH, istakao je da je dopis istog sadržaja zaprimljen i od strane Tužilaštva Brčko distrikta BiH i da će biti uzet u redovnu tužilačku proceduru. Nakon provedene diskusije, odlučeno je da se navedeni akt primi k znanju i da se sačeka sa odlukom koja će po pitanju podnesene prijave biti donesena od strane Tužilaštva Brčko distrikta BiH.

Sekretar Komisije upoznao je prisutne i o dopisu VSTV-a BiH od 27.01.2025. godine, koji se odnosi na pokretanje procedure izbora člana VSTV-a, obzirom da sudiji Aleksandri Obradović, koja je član VSTV-a kojeg bira Pravosudna komisija Brčko distrikta BiH, mandat ističe u narednom periodu. Odlučeno je da će Stručna služba rukovodiocima sudova i tužilaštva Brčko distrikta BiH uputiti obavijest, a da će rukovodioci unutar svojih institucija upoznati sudije i tužioce radi dalje procedure i podnošenja prijave od strane zainteresovanih na poziv za izbor člana VSTV-a.

Takođe, sekretar je upoznao prisutne i o sastanku koji su predsjednik, sekretar i pomoćnik sekretara – portparol Pravosudne komisije Brčko distrikta BiH, održali sa predstavnicima Koalicije „Pod lupom“ a tiče se izmjene odredaba Krivičnog zakona Brčko distrikta BiH. Zaključeno je da će zaključci sa ovog sastanka biti prezentovani u okviru Radne grupe koja bude radila na izmjenama Krivičnog zakona, što je planirano u narednom periodu.

U konačnom, sekretar Komisije, upoznao je prisutne o pismu namjere upućenom Pravosudnoj komisiji Brčko distrikta BiH od strane Univerziteta Privredna komora Brčko distrikta BiH, koji akt je primljen k znanju.

Konstatuje se da je sjednica završena u 10:31 sati.

Zapisnik vodila
Sanja Ilić Čerkezović

Predsjednik
Pravosudne komisije

Safet Pizović